

People plus

APRE ELEKSYON WAVEL I DAN PLIS SKANDAL

Detwa semenn apre **D**e l e k s y o n Prezidansyel 2015, nou konpran akoz lepep Seselwa in elekte Prezidan Michel ek Parti Lepep pour kontinyen travay pour Sesel ek Seselwa. Zot in elekte en Prezidan ki deswit in konmans travay pour delivre lo okenn promes ki in fer pandan son kanpanya, e

prepar semen pour li met an mars e konplet tou sa ki dan son manifesto. Son Vis-Prezidan e gouvèrnman i preokipe dan travay ki Prezidan in donn zot pour fer. Tandis ki Parti Lepep pe osi fer son prop ludit pour konnen kote pour ranforsi, kwa ki pou sanze pour li kontinyen lo son larout ki ti trase depi 1964. Gouvèrnman ek

Parti in pare pour konekte plis ek pep Seselwa pour kree en nouvo pep, en nouvo Sesel.

Lopozisyon par kont, napa nanryen ki sanze avek zot ; zot pe fer ekgzakteman sa ki Parti Lepep ti predir. Zot in konmans rod tou fason pour kree dezord dan pei. Wavel pe servi siporter lopozisyon pour fer zot reste dan

semen pe proteste pour li ganny latansyon. E nou osi war li dan skandal lafanmiy.

En skandal propriyete ki'n fer li ede kree divizyon dan son prop fanmiy. Apre ya debout an ser e koz lo lenportans lafanmiy e menm akiz lezot pour servi son fanmiy dan politik. I rabase apre tonm lo son parol.

WAVEL NAPA STATI DAN SA PEI

En keksoz nou fer byen kler, Wavel i lider SNP e non pa Sef Lopozisyon, akoz fodre pa tou dimoun i krwar ki Wavel merit ganny premye plas lo latap dan lopozisyon. Ziska prezan se David Pierre ki Lider Lopozisyon. Wavel i senpleman en gran perdan ki'n fel sis fwa pour vin prezidan.

PETISYON BAIE LAZARE SINYEN PAR ZIS DE FANMIY

Sa ensinifyan ki lopoziyon spe fer ek zabitan Baie Lazare pa pou abouti zot dan nanryen. I kler ki depi ler zot pa oule kanmi ek sa eleksyon prezidansyel zot pe rod tou lipou dan penny pour zot reste relevan. Nou konnen lekel sa nanryen fer ki par deryer sa swadizan petisyon ki prensipal-

man kontenir sinyatir de fanmiy.

Pour ensit sa petisyon sa politisyen ki'n fini kapot ek las pe krwar ki par esey ensit en kalite maloumbo a donn li latansyon dan kan lopoziyon. I pou zwe son lanmizik e dans limenm. Zabitan Baie Lazare dan son mazorite i konnen ki malgre

lasante Msye Lucas pa'n permet li kapab fer son travay dan lafason i tya kontan, in ganny sipor plizyer dimoun e lotorite gouvernman. Me pa fini la pour Baie Lazare, sa distrik pou kontinyen fer progre e zabitan pa pou ganny kit deryer. Napa okenn politisyen dan lopoziyon, e nou repete politisyen ki

pa Parti Lepep i en lopoziyon e i napa okenn lentere pour zot. I senpleman pe servi zot dan son demars pour ganny rekonnet dan lopoziyon. Msye Lucas pa premye MNA pour malad dan Lasanble, Regina Alcindor in deza malad e absante pour en bon letan.

WAVEL I FWET SON LEKOR

Wavel ti debout e azir gro labous devan bann obzervater enter-nasyonal pour akiz Prezidan Michel pour servi fanmiy dan eleksyon, e apenn en mwan plitar, i fwet son lekor ek son prop koze mirak. I vre ki silans set en mepriz.

Prezidan ek Vis Prezidan in reste trankil e ekout li koz gro labous, koz en pake lang, e fer en bann lakizasyon. La se Lakour ki dray Wavel. Lazistis i fer li pey son ser ek son frer larzan ki i drwa zot apre ki in benefisyen litousel avek

propriete zot manman. Devan lakour napa laont i pa'n donn son lekor letan in esey zistifye lafason ki li i krwar in pey sa propriete.

Pour pey son ser pa fini la, Wavel ankore drwa zot. E Sef Ziz dan son sazes in esey en mediasyon pour sa lot kes, me ki nou ti tande, lider SNP, swadizan en pret, pa ti vini aköz dapre konpran i pa ti oule asiz dan menm lofis ek son ser e frer, ki i dwa. En prêt ki rankinen, en politisyen ki konn zis pour li. Selman i ti oule vin prezidan!

ESKI TOU SA PROBLEM IN KONMANS AKOZ BRASLE?

Mike Gouffe Sadly the story has been twisted out of context to make him, and only him, look good! The whole thing actually started over some old bracelets that I wanted for my daughter but which he fought against and insulted me in the process. This is how it started, and NOT a fight for the property! However, in due course it got into court because for a year we tried reasoning with him and he refused to budge, saying that a bracelet our mother personally bequeathed to my daughter he was going to give to one of his cousins.....the matter eventually led to the court due to his own arrogance and refusal to acknowledge or accept the very wishes of the parent he himself talks about! Like I said, it has been twisted out of context to make him look like a saint....!

Unlike · Reply · 3 · 15 hrs

● Ekstre lo facebook

Produced, Published by the **PARTI LEPEP.**

Tel: 428 49 00 P.O.Box 1242, Victoria, Mahe, Seychelles. Printed By **NISA PRESS.**